

A Monthly Christian Magazine


AN ORGAN OF THE ZOU PRESBYTERIAN CHURCH SYNOD



Khristian Tangkou

Vol. 51 || No. 8

August, 2015



PCI GOOD WILL VISIT TO PC WALES



Editor: Rev. Tualzachin

Editorial Board

Editor : Rev. Tualzachin - 9862829526

Joint Editor : Rev. Stephen Chinzathang
- 9863042789
ct_stephen@yahoo.com

Cir. Manager : Upa Jamsianmung - 9862086615
sianmung@rediffmail.com

Bus. Manager : Kamgenpau - 8974612937
Sye T. Ginzahau - 8974438842

Cont. Editors : Upa S. K. Khama - 9856406454
Rev. Awnkhankhup - 9862828921
Rev. M. G. Nehlien - 09535042257
Rev. Kaimuanlal - 9862923960

ZOU SYNOD ULIENTE

- **Moderator:**
Rev. P. C. Manga
- **Moderator Elect:**
Rev. Khupkhansuan
- **Secretary (Sr):**
Upa Ngulchinkham
- **Secretary (Jr):**
Upa T. C. Pau
- **Treasurer:**
Upa T. Lamkothawng
- **Statistician:**
Upa Sianzahau
- **Executive Secretaries:**
Rev. Tualzachin
Rev. Stephen Chinzathang

A sung thu

- Editorial..... 01
- Thu tuomtuom 02
- Youth Leadership 05
- ZPCS dinmun..... 09
- Wales gam zinna 11
- Halthana i poimaw uh 13
- Gaa masa pawl 14
- Na hinkhuo mandan.....17
- ZPWF Column 21

Copies - 1100

AMAN

Kumkhat ah	- ₹	100.00
Post ah	- ₹	200.00
Copy khat ah	- ₹	10.00
Life Member Fee	- ₹	1,000.00
Patron Member Fee	- ₹	2,000.00
Memorial gift	- ₹	2,000.00

Thusuo zosie Editor leh Zou Synod ngaidan ahi kimsih a, a suotute'n maw a kipuoh chiet ding uhi.

Thusuo dingte Editor kung a pieh ding ahi.

Editorial

Hun in ngah neilou in akihei zel a, ha gietna tan i tungta ua, tam tan hing pui luttu I Mangpa Jesu Khrist min toh simtute zousie chibai.

August 02, 2015 Haitha ni, August 30, 2015 “Khanglai ni” hing hitou ding ahina toh kisai in tomkim houlim bawl lei i ut hi.

Nidang singtang a haitha leh khopi haitha ang kibang nawn tasih hi. Louma pieng, huon haichi ding umta lou in, Bazar ah atamzawtham ikinga ta hi. Bible ah sillat a na pemasa unau ni, Kain leh Abel Gen. 4:1-5 imu uhi. Tamnah, sillan tuoh tuoh, asepga uh petuoh hinapi a, Abel a apom a umtuom ahiei chi a ngaituo hitalei, Sisan zieh ahia, lungsim ziehe- Azieh hi ding a gintat huoi pen ahileh sisan zieh zong hithei a, hinanlezong, alungsim tah toh alat zieh hiding hi. Pasian dei pen ahi leh lungsim ahi. Kaina in alungsim tah apieh lou ziehin Pasian thangpaisah a, khelna ah alutta hi.

Tualeh “Khanglaini” 30th August 2015 a um ding ahia, athupi kum puon zong “Khanglai Khrist a kilamdanna” chi ahi. Tam thupi a zah ahi na Khanglai lah ah a umkhat, kihawmthawna, dinmun ngiemdeu, kipezoulou neh lou ding dawnlou ding, seplou ding semkha himai thei ihi ziehin tam bang thupi hing ki tel ahi dan gintat huoi hi. Isai 40:29-31 ah Khanglaite ba thei hatlathei, gimthei ahidan imu hi. Tualeh tambang a umlai a, Mangpan hing panpi ding ahi chiten amuding uh pen suhhat a um ding hatna tha tha mu ding, Mupi bang a lengtou ding, taileh zong gimna umlou ding Pasian in panpi ta ding chi imu hi. Khanglai nang zong na umna thei inla, Mangpa ah kinga le chin Mangpa panpina na mu ngei ding chi lam-en kawm a kalsuon te khu Khrist a kilamdanna thumanna toh na mu ngei ding hi.

THU TUOMTUOM

leh

thumpi dingte

01. Zou Synod huong sunga Hattuum chin in ni poimaw ineite theizing kawm in thum in! kisa kholin! zah sawm in!
 - (a) Haitha : August 02, 2015
 - (b) ZPYF Day : Augsut 30, 2015
02. V.B.S lawching tahin kizouta: Pasain hoina leh kithuopina zal in apeisa June 16-20, 2015 sung in Good News Club te Organised na nuoi ah Vocational Bible School (VBS) Sangnaupangte Summer Vocation sutu hun ahi natoh Town Area sung a Naupangte Pasian thu leh laa zilkhawmna in hun kizang hi. I kilometna khel lam ah Mangpan hing mapui in Participant naupang (450) val bang tel thei uhi. Amun ahi leh Class lahnan Chinkham Modern High School kizang a Devotion & Worship Service leh phatna laa zilna in Presbyterian Church Zomi Colony (ZPCS) mun zang uhi. Teacher (35) vel in mapui in liim thei mama uhi. Theme: "Amazing Love" Johan 15:13. Khum nah director in Unaujpa Pu Daiminthang Shillong apan hing pei hi.

Aman kumteng in ahun awng neite naupangte lah ah Pasian nna sepna bang a ngai in ama leh ama voluntary work in kipezou mama hi. Lungdam huoi! Pasian hoina leh Ama hagau siengthou silbawltheina lamdang tah in Naupang hunkhop in kimuthana or pienthana nga uhi. Ama ban

ding uh thumsah in. Dated 20th June 2015 (Kiginni) ni in nuomsatah leh khela pumpumin khahna (closing) neita uhi.

03. Lungdampina: Pasion hoina dongtou zel in Local paper a imu bang un Pa Khakhai Zou S/o (L) Chiinkham of Tangpijol tu leh tu a Prime Minister Bhavan a semlel in Duputy director ah promotion mu hi. Tam i Khristian tungton in ilungdampi mama uhi.
04. Lungdampina: Nh. Monica Nienglamkim d/o Pa Thangsuonkhup leh Nu Manhoi of Zomi Colony a um in apeisa June 10, 2015 in (Military Nursing) Hospital (WC) Chandimondir pandkela Haryana ah Lieutenant Rank mutha hi. Aman leh tu in Commission bawlta hi. Tua leh tu in Pune ah ki posting hi. Ama leh a innsung mite Zomi Colony Presbyterian ah mi kiphal te ahi uhi. Maban ah lawchinna sang zaw sem tang ding in ideisahna ban uah i thum na uh ahi maban ah pawlpi phungvuotu a hing hiding zong iki lametna uh ahi.
05. Bieh inntha honna: Pasion in hing mapui zel in apeisa June 28, 2015 (Pasianni) in Zou Synod Office Bearer te leh MEP sung a District te panlahna toh M. Kholmoul Hattuum a Pasion biehna mun ding leh Ama liim taha pahtawina mun ding Biehinna tha honkhiet ahi. Hongtu Rev. Mangsuonthang Bieltu Pastor Hagau lam kipawlkhawmna mai hilou in itna annkuong luina zong nei uhi.
06. Financial Campaign peilel: Pasion hoina muongkawm in Zou Synod vaihawmna thuphasah umsa bang in Synod Office bearerte panlahna toh District Head Quarter munte leh khopi deu te vehna nei lel uhi. Tualeh kho khenkhat silpieh lam a nill ana hite houlimpina leh panlah dingdan houlimpina toh vanei uhi. A totsia te uh leh a tot touzel ding te uh Hattuumte

thumsah vaui. Tualeh silpieh pen Pasion nnasepna lienpen ahidan zong theisiem sahna zong vanei uhi. Tuamai hilou in Pasion nnasepna lienpen ahidan zong theisiem sahna zong vanei uhi. Tuamai hilou in Pasion in a tapa tang neisun eite hundam dinga Kross a tatna nna ang sepsah leh bang dinga eiten Pasion a silpieh it ding ima? chi zong theisiem sahna zong nei uhi.

07. Mangpa'n a Hattuum a mi siengthoute thumnate hing dawng in Rev. Stephen Chinzathang Presbyterian Church of India (PCI) ai awh a Synod chin a palai a Wales gama (Good Will Visit) apei dam in hing tungkiata. Thupina zousie Mangpa'n tangta hen. Lungdam huoi!
08. Pasion hoina muongkawm in ima naw August 02, 2015 pen Zou Synod huongsung a local chin in Haitha (Gamasa) latna ama min pahtawina leh nuomthu genna a zang chiet dingin deisahna sangpen ka hing pie uhi. Thupina Mangpa pie un!
09. Kum leh haa te hing liemzel in Zou Synod year planner a ana umsa bangin ima naw August 30, 2015 (Last Sunday) pen Zou Synod gam buppi a ZPYF-Day (Khanglai ni) dam in itung tou kia ta uhi. Bangteng hileh PYF Unit chin a eima umna (Location) zel in mandan tuomtuom, zah dan tuom kisahkholna a umta dinga, a nuomthei pen leh amanpha thei pen a zang som chiet vaui chi ithumna leh iki nepna lienpen ahi. Tam teng ban ah khumni poimaw ni tuohkhawm pen Zou Synod Office a submit sawm chiet vaui.

.....

Youth Leadership

- Upa Khupsuankham

Lamkai kichite khu nuazui muonhuoite ahi uhi. “Lamkai hoi himai Lkhu a poimaw pen hilou in. Miten Lamkai muonhuoi ahi chi a ang muonngamte ahi zaw hi”. Lamkai ten mipite munkhat a kaihawm in guolzou dingin pui uhi. (Leader the ones who bring teams together and Read them to Victory) “Max well” lamkai muonhuoi tah tahte pen tupna tungtuong neite ahi ua, “Lamkai gasuo (effective leaders) te pen a khangdawn lai, akhanglai ua lamkaite ahi uhi. Etsahna din Moses, Joahua, Gideon, Samson, Jesus, Pawl leh a dang dangte ahi uhi. “Mihingsangten sil apiengsah ua, tua silpiengte mipiltan laibu ah ang zelzel uhi.

Leitung a mihing thum umte:
Leitung ah bang e apieng chia
thei phah zouloute, leitung
a sil pieng lelte leh leitung a
sil apiengsahte. “Nicholas, M.
Butter, ei pawl heilaang ah i um
uoi?

(a) Lamkai ichite bang toh
bang te e?

- 1) Bang ahiei khat piengsah
thei te.
- 2) Nuozui neite ahi uhi.
- 3) Migentheite ahi uhi.
- 4) Ama kithunun leh tupguh
neite ahi uhi.
- 5) Mi ngainate mabanga
bawlkhiel tampi neite.
- 6) Mite tungtawn a nasem
thei te.
- 7) Ang tung dingte

mukhawlna neite

8) Mi kilopsah thei te.

9) Mi thunun thei te.

(b) Lamkaite mizie chinite:

- 1) Lamkai bangkim a
pangkha zing, tup leh
ngim nei masate.
- 2) Lamkai mite ama zui ding
a kimansa a umsate

c) Lamkaite buoina
taangpite (Common
Leadership Problems)

- Nna khat phot a ama
abawlsiet tum ten mipi zie
ngah zoulou in lungkepai
uhi.
- A bawl paipai louten
pawlpi amangthaisah uhi.

- A khang toulou lamkai ten ama theina dan in zong mi apui sih uhi.
 - A kikoisangte khu alungke bai ua, mi tampite zong alungkesah uhi.
 - Ki sinsahna hoitah neilou ten ahun tah ki tuohlou in nna asem uhi.
 - Lamkai muonhuoi chia kitel a akitelkheten tupna lienpi toh ma apui ua, a thuneina uh a zangkhiel thei uhi.
 - Lamkai khawlsahte (drop-out leader) ten Government leh Private business te ah mun atang uhi.
- (1) Pienpi lamkai (Born Leaders) Innsung hoi, Nu leh pa apat a luosuoh lamkaite ahizieh un, mihoina hoitah nei in lungpi akuo ua, hinanleh khat veivei mipi toh kikal a kikalna nei bangin a um uhi. i.e. Kings Jawaharlal Nehru, John F. Kennedy, Rock tellers etc.
- (2) A sinsiem lamkaite (Trained Leaders) Pienphung nu-le-pa apat a gen ding um seng lou in lawching tah in alamkai ua, ahivang in amaute ma in asuon apate ua pat in sui ding bangma a um seng sih hi. i.e. Winston Churchill, Abraham Lincon, George Washington, Mao Tse tung leh Martin Luther King Jr. leh adang dang.
- (3) Hagau lam a lamkai (Spritual Leaders) Hagau lam a lamkaite pen a pienken leh a kisinsiem lamkaite ahi thei tuohtuoh uhi. Tuabang a lamkaite pen Pasian in a tuom a ahat leh mite tungtawn a lamkai ding guot leh telte ahi uhi. Bible a lamkai imute pen nasemtu, chingtu leh kemtu ahi uhi.
- (d) Hagau lam a lamkaite chitna: (Qualification) Pasian in mi abuai laitah in ahan a, dawimangpan bangma bawl ding neilou athasiet laitah un ahan hi”.
- 1) Ama leh ama kithei (Knows who he is) “Kei koi ka hiei, ka dang nal sih hi. Mosi (Exo. 3:11, 4.10) “Koi ahei ka bawl a, ka innkuonpite zong koi

ahi ua....? (I Chor. 17:16).
Ka gensiem sih, ka
naupang... (Jeremiah 1:6)
Ka hat loup bang a hatlou
koi aum ngai a..." Paul (II
Kor. 11:29).

2) Ching kisa lou: Manasseh
suon, nam genthei pen
leh neupen ka hi Gideon
(Vaihawmte 6:15) Israel
nam lamkai neupen
Benjamin innkuon lah ah
neupen bang chi dan a,...
Saul (Sam 9:21).

3) Mohpuohna theisiem:
Tua inn masa amu anu
pitehte aw ngaitahin a
kapkhie uh, (Ezra 3:12).
Nasep thupi in alien a
(Neh. 4:19)

4) Amau toh kibang a um
(Identification) Kei leh ka
pa innkuonte ka khielta
uh (Neh. 1:66) A touna
uah ka tou a ni 7 ka touta
hi (Ezek 3:15) Leivui lah
ah ama uh toh ni 7 leh zan
7 a toukhawmna thukam
teng khat ngel zong agen
sih uhi (Job. 3:13)

(e) Na hatlouna lam zaw
sawm in
(Beware of your dark side)

"Na shini na pen ah ka puo
ding hi..."

1) Zauthawng aho zaw -
dinga kingaituo in pilvang
hen (I Kor. 10:12)

2) Kimuon seng lou ding
- "kisah theina, lungsim
kiuahsah puona ma ah
(Kila. 16:18-19) cf (Isai
14:12-15). Kisah theina,
ang masielna, ama leh ama
kisol leh tupna dihloute
pen lamkai nuoi kiehsah
ding a Vanzah ahi uhi.

3) Kihilkholna mang in
- Silkhat ang tun ding
chienging nasie leh pha
theina leh na sunglam ah
hilkholna ang um ding a,
tuata na man leh ahoi ding
hi.

"Theina neilou ziehin
ka mite bawlsiet in um
uhi. (Hos. 4:6). Zau
huoina hing tung ding
khu a thei lou uh a diei?
kimuon ngamna khel a,
tambang a hing um uh
ahi? *Humican party-te).

(f) Lamakaite pilvangna
ding:

= Na bawldih chienging
koiman a thei sih a,

- ahivang in nabawl khiei
chiengin koiman ang
manghil sih uhi - Irish
Proverb.
- = Ang doute sangin ang
phatsiem siemte nou a
zauhuoi zaw uhi - General
Obregon
 - = Miten na pien ken ahina
sangin na pichinna
angai poimaw zaw uhi. -
Anonymous
 - = Na melmate tuohsietna ah
akipah dan in kilang ngai
vawt sin - G. Washington
 - = Mi na kimupi khahpите
zousie ten banglam ahiei
khat beh ah ang sanga
pilzaw in ngaisut inlen
amau pat a zil dingnei
nahi kithei in - Emerson
 - = Mi zousie lawchin a
ut chiet ua, ahivang in
milawchingte athangsiet
uhi - Anonymous.
 - = Muonhuoina khu na nei
ding ahi.
- (g) Lamkai lawchinna ding
a thei ding a hoi (Tips to
Success)
- = Maitai leh mite melthei
dinga um sawm in
 - = Lungsim tah toh mite
pahtat sawm in
 - = Nang thugen tawm inlen
mite apat zil sawm in
 - = Mi amin ahat sawm in
(Napoleion-III) in khatvei
amite amin in ahan thei
ngal hi.
 - = Min thu agen chiengin
amit uh en kilkel inlen,
hoi tahn ngai inlen, kam
tungnun tusin
 - = Min na tung a abawl ding
a na dei bang in nang zong
mite tungah bawl in - Jesu
 - = “I am sorry please and
thank you” chi ding khu
manghil sin.
 - = Ang thukumpi loute zong
niltuon sinlen “welcom”
zaw inlen, na lungthah
leh zong kideh kinken in
ngaikhe masa in, kituohna
ding lampi sui inlen ang
langbawlte zong melma
dan in bawl sin.
 - = Ang nielkal sim gige a
um leh ama lunglutna
lamkhat ah lamkai in
pangsah in. Etsahna’n
Abraham Lincoln & his
General
 - = Na bawlkhiel leh chitah
suona toh ngaidam ngen
inlen ‘ Simure apology’
bawl pai in.

ZPCS DINMUN

- Upa Suankhanmang

ZPCS in Manggam nasepna a tu dinmun 2015 apan a 2025 tan beh mulawhna nei a apei zel ding ahi. Tam mulawhna umlou a kipuihuoina umlouleh kum sawm masang a pumbuoi thei pawlpi ahing suoh ding hi. Pawlpi in mulawhna anei ngeingei dingte

tomkim in houlimna nei vai.

No.1: Pastoral Ministry ah:
Leitung khantou dungzui in Bible zil ding BA, BD ahita a, BA zousa khat in BD azawna dingin kum li sang a tamzaw kum nga bang hun a lutta a, kum li, kum nga zou a Pro. Pastor ah kumthum ahing lut kia leh Pastor piching a siemkhiet ding in kum sagi, kum giet bang ahing lut ding ahi dan lamkaite in a mulawh uh kul ding hi.

ZPCS a tu-le-tu a Manggam nasem Pastor bangza in tu apan kum sawm sungin bangza a pension thei diei? Chite khuol chil hun ahi hi.

Tuaban ah, Bible zil Khanglaite in zong i gam a Manggam nasepna ah tu-le-tu ban ah ahing pei zel ding ah bang toh bang subject te i gam a hing poimaw ding ama chite ngaisutna anei a Bible zil ahoi ding hi.

Etsahna in, Zou Holy Bible te Zoukam a Pasian phatna laa te ahibang bang a sutkhiet ahi theina dingin Language subject a Master degree Zou phabepkhat a um a kul in ahing poimaw deudeu ding chite mulawhna nei a pawlpi pui ding a poimaw ahi. A tawmpen a ni leh thum a um ngai ding ahi. Master hina neilou a Bible labute i bawlbawl laisie thutah theina ah itasam

mama ding ua, thutah a ding ngam theipitu hina nei atasam ding hi.

Tualeh, ZPCS huongsung a Khanglai Bible zilte pawlpi in akep dan a siem leh pawlpi piching ahing suoh ding a, ngaisutna neu nounou nei a, Khanglai Bible zilte kep dan isiemplouleh Goumanpha mansuo ihi ding uh ahi.

ZPCS in Synod a idin theileh Missionary tampi sawlkhiet ding chi a ZPCS Modality te lah a akul leh apoimawpen a inei uleh i thumna uh ahidan manghillou a pan lah tou zel a um in a poimaw hi. Tuabang tupna leh ngaidan a tangtun theina dingin Missionary a sem kengding detdou bawl ding dan pen limtah a ngaisut kul ding hi. Ginna thuchiem, Missionary Challenge a sum mute pen sum muna detdou thuoptu maimai ahi ding hi.

Pawlpi khat pou pou in malam a nawt zel a, a khantouna dingin a ngaisutna apan a silhoi

siemkhiet ding a ngaisutna tha anei zing ding ahi. Mulawhna apan a ngaisutna tha toh pawlpi i pui louleh pawlpi khu Tuipishi toh bang ahia, mite neh theilou hun hing um thei ding ahi. Tuaziehin ZPCS huongsung a Upa vaihawmten mulawhna leh mengmuna toh vaihawm zing kul in a poimaw hi.

Synod in tu-le-tu a Khanglai Bible zilsate akep dan, a etkol ding dan a ngaituo ding Synod mawpuohna ahi. Keplou, donlou a angaisah lou leh Synod in a mawpuohna theisiemlou asuoh ding a, akul leh a poimaw hun a Synod semtu awng hu ding atasam thei ding ahi.

Tuaban ah Synod huong sung a Khanglai laisiem tampite Pasian nasem ding a hanthawn zoulou asuoh thei ding hi.

Tuaziehin Synod vaihawm Upaten Pasian deidan en zing a huop zoutah leh mulawhna nei a vaihawmna apui zel uh kul in poimaw ding hi.

***Brief Report (Rev. Stephen Chinzathang,
Executive Secretary***

WALES GAM KHUOLZINNA (02 JULY – 14 JULY 2015)

Pasian mapuina leh Synod deisahna toh PCI Good Will Visit to Wales Team pastor 7 te lah member khat a kapan thei zieh in thupina Pa Pasian kapie hi. Tualeh Zou Synod nu leh pate leh Hattuum mipi teng kung ah kingainiem tah in kipahtu kagen hi.

United Kingdom Visa ka muchiet tahzieh un Pasian guolzawlina tang in 2nd July 9:45am Kalkata a Netajis Subash Chandra Bose Internatisonal Airport apan London lam zuon in ka lengdoh ta uhi. Tuachi in ka lenna uh Emirates Airline ahi ziehin 4:55 Dubai mun ah Dahkal 4:55 ka len zaw un ka tung ua dahkal ni lay over kanei nuo un London zuon in, tuachin Dubai International apat London dahkal 7:30 (sung kaleng zou in, Heathrow International Airport ka tung uhi.

London lenna phuol ah kou hng enkal ding a kise Pi Rev. Nan Davis Powells leh apasal Pu Rev. Auw Powells Davies ten ahing na vaidon ua tuo mun ah Pa Khupmuonlian s/o S. Dalthang in zong ang na lamdawn hi. London apat in Wales gam ka zuon uh a ka tun na ding uh Colegaa Bala zingkal dah 4:45am in ka tung uhi. Pasian mapuina toh lampi a nop zieh in ka tungbai uhi. Tuachin date 3rd July 2015 ah Mary Jones haan (Tomb) leh amanu memorial Biehinn venna kanei uhi. Tuachin, Mizoram leh Chira a Missionary masa Thomas Jones haan (Tomb) leh a tenna inn ka va ve zou un Lhangsanna Biehinn a chibai buhna kavane uhi.

Lhangsanna Presbyterian Biehinn ah leh Rev. Owen tapa Pastor Zolamma Owen ahileh a Pa Rev. Owen khu Mizoram Synod KTP founder ahi. Tuachin 6th July 2015 in ka um na masa uh Bala nuasie in Presbyterian Church of Wales General Assembly um na ding mun lam nusie in Liverpool U. K. kavapha uhi. Liverpool longpi khawlina ahileh United Kingdom gam a Longpi khawlina lienpen leh Missionary atamzawte tenna, um masang a agam uh anuasie na mun uh ahi ziehin ana poimaw mama hi. Long tampi zong ana khol ua tuonah Presbyterian Church Liverpool ten zong vaidawinna ang na nei uhi.

Liverpool kapha zou un CWM Mission Enabler Rev. John Calney (Ebbw Vale khopi a umna ah Hattuumte toh kava kimutuo uh a tuo zou un Aberstwyth University ah Presbyterian Church of Wales Khompi ah kavapang uh a palai 140 vel ahi uh a guotlou kichi mawngmawng apang thei sih uhi. Moderator lui leh tha ki henna leh khompi chibai buhna zong kavatang uhi. Khawmpi pen Presbyterian Church of England leh Presbyterian Church of Scotland Moderator te tel a

zit e un zong a tawptan ahing uap uhi. Tuazou in Swansa leh Cardiff mun ah PC Wales General Secretary pa Rev. Mairion Mormis makaina toh ahing fanpi uh a mun poimaw mama Rev. Evan Roberts haan leh Momah Chapel leh a haan suong thupitah a kibawl Wales gam a Revival tun tupa ahina toh hoitah in alim suong a kikheng te akem uhi (1879 to 1951 tan a dam hi.

Atawpna pen ah Cardiff khopi Wales gam a Parliament umna mun leh Presbyterian Church of Wales Headquarter vena ka nei uhi. Tami mun pen Biehinn The Tabernacle Presbyterian Church of Wales 81 Merthyr Road White Church Cardiff a um ahi. Tuazou in 12th July 2015 in Pasian ni zingkal ah Rev. H. Sangkhuma deisahna toh team ni a kikheng in Biehinn khenkhat a keima mapuina toh ka loite KJP Synod Sepngi, Minghi leh Riboi te pulahna ka bawl zou in Pasian thu leh ei Zou Synod thu minute 15 sung ka gen a tuazou in National Express Bus kholmun a Pa Rev. H. Sangkhuma in ahing thah a London khopi zuon in Cardif khopi ngaihuoitah himanan leh Pa Danny Khuplianlal-te inkuon toh kimutuo ding in London ka tung hi. London Victoria Bus Khawlna munpi London khopi laikim laitah ah a um a tuomun ka tun zou in London khopi polam blue water mun aum ahi. Pa Khuplianlal te umna lam ka zuontahi. Blue water Bus khol mun ah Pa Khupmuanlian toh 8:45pm vel in kakimutuo uh a, ama uh inn ka tung uhi. Pasian guolzawlina toh ei Zou

Synod ten hamphatna chituom khat I nei uh a tuo ahileh London khopi mun a teng Pa Danny Khuplianlal azi Mrs. Siami atate Isabella Nianghoilun leh anaupa Assher Thangisianmuan te toh Pasian kung ah kipah thugen in thungetna ka nei zaw un naupang nite Isabella Nianghoilun leh Assher Thangisianmuan te Pa leh Tapa leh Hagau siengthou min in Baptism aka hing bawl hi. Tuachi in a zing ni 13th July 2:05pm in London Heathrow Airport zuon in zingkal dah 6:00am in Pa Danny Khuplianlal in hingpui in London Bridge leh mun thupi te ka et nuo un kaloite toh Heathrow International Airport mun ah kimutuo kia in ngaihuoi ma uh leh zong Pa Danny Khuplianlal toh chibai kibuh in kang kikheng ta uhi. London apat Dubai (UAE) dahkal 7:45 kaleng uh a tuozou in Dubai apat Kolkata Dahkal 4:50 leng in damtahn India kahing tung kiata uhi. 14th July 2015 in Pasian lungsietna toh Hattuumte thumpi na leh pawlpi deisahna toh Lamka nitah 6:00pm vel in inn a tung in Central District Pastor Rev. Khamchinkhai in nuomthu tutna nei in Wales gam a Presbyterian Church of India Good Will Team khuolzin na pen lawching tah in ka va zou hi.

Tami ka khuolzinna a Patsa in ei Zou Synod te zong Wales gam miten ahing theipan ta ua tuachin Pasian lemsahna toh maban a Wales mite zong ei lah ahing phahthei nading in Pasian kunga thumna a phohtawn tung chiet vaui. Pasian in thupina tang taken!

HALTHANA I POIMAW UH

- Pa Thongzakhai, Delhi

Late No. 85:6. Nangma a na mite akipahtheina na ding un, na hing suhalkia thei sih ding ama? Tam na late a Isareal te Babylon suoh leh sal a asuotatna uhi ahi.

Tamnah Politic lam ah alawching ua innten louten ah zong a saltan laibang un changkangzaw (gina azaw) uhi. Khotang vai ah zong melma khutnuoi a um nonlou ahi man un a zalen uhi. Hinanleh zong tahsa lawchinna pen hagau lam a kipahna/lungmuonna apieh theilou ziehin Pasian apat hundamna/kipahna anei sih uhi. Tuaziehin late gieltu in Pasian kipsahsah theina ding un, na hing suhal kia sih ding ama? achi hi. A kipahna ding uh khu bang ahiei ichi leh nangma ah (Pasian ahi chit chiet uhi. Eite zong ini chin khosahna ah nidang lai sang in ma isawnzaw ua, zong i changkang zaw uhi. Chilei ichi khiel sih ding uhi. Bang chi tuh in masawn in changkang nan lei zong khovel sil ten hagau lam kipahna ang pethei sih hi. Tuaziehin Late gieltu genna bangin Nangma ah chi ahi ziehin Pasian apat hing kipan

halthana i poimaw uh hilou maw? Halthana tunna mun ah khiel kisiena tahtah gitlou huotna, gitlou topsan utna leh khiel topsan utna in azui zel hi. HALTHANA silpieh thupi pen ahileh Hagau siengthou michin tunga atun leh Hagau siengthou a dim na uhi. Van a kipat hagau siengthou kisung buotna mun te gamte, khopite khu thupina in a Opkhum hi. Aga te ahi leh hagau mangthai ding atuul, asangte hundam in aum zel hi. Halthana tahtah theikhiet theina khu Hagau mangthai ten hundamna atang uhi. Hattuom a Revival masapen khu Pentecost ni ahi. Mipi 3000 in hundamna anga uhi. Aban ah mipi 5000 kibelap zel a, tuaban ah nitengin mi kibelap zel chi imu hi. Liim in laam in zankhovah a lasa in kikou nanlei hagau mangthai mat ahisih leh HALTHANA piching a sim thei hi. Wales gam

a halthaana atun in mipi 50,000 in hundamna nga uhi. Pasion hing veh heh ichi leh amaipha sui vai. Thum chitah in thum vai. Pasion lungsietna leh hepina ziehin Pentecost ni banga Hagau siengthou in hing veh ding hita leh i ut tahtah na ding uoi mah? I ut tahtah leh aman (price) ipe ngam na diei? chi imimal chin kidohtuo ding apoimaw mama ta hi. Hagau siengthou tanna ding leh Halthana tanna ding in aman pieh ding aum ahi chi thei vai. Rev. Khamchinkhup in igam ah Revival tungzou sih va aziehpén aman (Price) ipieh ding uh atam seng hi. A um zie tah ahi leh Halthana tunna mun

teng ah miten a bawlkhielte uh a bawl hoi uhi. Guta ten a van guh teng uh a nungpieh kia uhi. Tuabang hita leh igam pen guta (thief) ahiziehin tambang a bawl ding hita lei igam ah nuopieh (return) ding tamzaw hive aw, Building tamzawte Bank Balance teng gam leh mun tapi kham (Job) tapi leh sil dang tampite aneitu dihtah or amu ding a kilawmte khut ah pieh khiet sieng ngai ding hi. I gen utpen ahileh Halthana ideitahtah leh aman (Price) ipieh ngam ding uh ahi. Tua hileh Hagau siengthou pieh in ium ding uhi. Mangpan hing guolzawl taken!

.....

GAMASA PAWI

Text: Levi.23:9-14

-Rev Jonathan Nehlien

Gamasa pawí pen peikan pawí leh tolsawlou pawí toh akinai ahi a, Judate calendar dungzuiin aha masapen(Nisan),ni 14(Peikan pawí),15(Tolsawlou pawí) leh 16 niin gamasa pawí akimang ahi. (March-April vel china).

Peikan pawî zong Israelte'n Izip a pawtsan ding za'n ua Pasiân vansawlsiang in ta pieng masa teng atha za'n a umpan hinanleh gamchiem atun masang un man ana hi nai sih hi. Tuamabangin gamasa pawî zong namte gamchiem atun masang un man ana hinai sih hi.

Gamasa pawî in agennop pen tah ahileh Pasiân pieh gam leitang apat guolzawl na adonte uh zieh a kipana genna pawî ahi. Kum 40 sung gamdaia akhuolzîn sung un Pasiân in “manna” a nesah hi. Israelte laha tung masa bu(barley) ahi. Tuami zouin theigate,olive, grepte tualeh a nukhiepen in gehu atung zel ahi. Judate'n aloulai ua bute apat ahoideute atuom in chiemtena abawl ua tuate khu Pasiân a dingin akoi tuom zel uhi.

Tulai hun a zong nute'n a loulai ua maipum, tangmai ahisihleh haichi dang aga masa te chiemtehna bawl in a pichin chiengin biehinn ah Pasianni chiengin atawi zel uhi. Tuamabangin, Israelte'n bu paal

ang tun chiengin kawite(sickle) leh seu(basket) tawiin tua chiemtena abawl sate uh khu ava aat ua, tua gamasate buphai te khu biehinn ah Siampu kungah ang tawi zel uhi.

Chang.11-12: Tam gamasa sillat in loulaia buphaite zousie leh gaathei chinteng ahuom ta hi. Buphai atun mapehin buphaite hoitaha lah/aat ahitheina dingin kipathu gennan latna akibawl zou ta hi. Tuamin atup ahileh, Pasiân silzousie,lousuoh gaa hiin,sum le pai,nei leh lam teng ah gaa masate ang phut ahi chi etsahna ahi. Aziehpén nang leh keia hilouin Pasiân a ahi chi tahlatna ahi. Bute zong laah ahima a Mangpa a ahi hi. Bupalte,buphaite,oliv leh grepte mai hilouin nang leh kei zong Mangpa'n ang pom thei na dinga Ama a dia siengthoua nuol baangloua gamasa sillat leh halvam kithoina a lat dinga kithat belamnou banga Pasiân a dinga i hinkhuo i lat siengthou uh poimaw mama hi.

IKorinth 15:10-25 ah Jesu Khrist khu Peikan pawî a kithat

Belamnou bang ahidan leh eite tatna dinga a shisan hing suoh ahi dan imu ahi. Tualeh sawltah Paul in Khrist thawkiana khu , thawkiana ni loup chienga dinga gamsapen a hidan ana mu a, John 12:23-24 ah Jesu'n amangei khu leia butang kiea shi toh akitekhn ahi. Khross a kilden a aumna leh a thawkiana khu a thupina ahi. Gamsapawi khu paw kimangte laha Paika'n paw zoua athumna ahi. Tuamabangin Khrist khu thawkiana hun a gamasapen ahitheina dingin a nithumniin ashina pat a thoukia ta hi. Tua khu bang dang zieh hilouin ang peikia hun chienga leitunga mi zousie thawkia hun a dinga amasapen ahithe na ding ahi.

John 20:17-18 ah a thawkiani in Jesu'n Mary kungah... I Mangpa Jesu Khrist khu leitunga hattuumte zousie (bulah hun ngah a umte zousie) ta'ng ahitheina dinga "noute zong na hin theina ding ua kei hing ka hi" achi ahi. Khawvel tawp bulah hun atun chienga ding mishi lah apat thoudoh masapen ahitheina dingin mishilah apat

athou kia ta hi.

Pasian a dinga iki pieh thei na lam tuom tuomte ahileh:-

1. Jingkal ithaw thaw chienga amasapen a Bible sim a thumna Pasian kunga hoitaha nei masah. Bangma i bawl masanga Pasian bieh phot ding ahi. Pasian leh ama nasep pen "extra"(anengval) hilou hi.
2. Nichin a Bible sim zing Ama deilam/kipahna ahi. Tulai Bible mobile ah kipuoh kawi kawi theita hi.
3. Pasian nasepna ahipouleh i tha i zung senga panpi ngaite panpi khawh sahlou ding ahi.
4. I deilai,ahoia ingaituote azouzai hisihlezong Pasian a dinga pieh ngam hun umsa ding ahi.
5. Sepna muthate bang,tolop isan chienga amasapen bang Pasian a dinga pieh hoi hi.
6. Garite bang Pasian nasepna ding ahipouleh zah dinga pieh/phal bang asie lampang hilou hi.

7. Gam leh guo ineite zong kingaituo phat kuul kha ding hi!
Pasian hing pieh ahi a
tuazieha Ama a dinga pieh
phal hoi hi.
8. Inn mun/ plotte Pasian
nasepna dinga pieh khiet
bang zong mite'n chiing zel
uhi.
9. Mahni tahsa biehinna a
kihel kha loute'n zong
silpieh (sawmakhat)
hoitaha pieh a pan lahthei
tham ahi. Alelamah,
hattuom a kihel khalou,
sawmakhat lah pelou,
tha leh zung lah seng
ngaplou, hattuom leh
a lamkaite thuoptu
hizawloua, ademtu, gensetu
a ipan zing khah leh i
- Silpieh laha thupipen khu
eima Pasian a dinga kipieh
khu ahi. Pasian pen i silpiehte
a kipahlou i china hilouin i
silpiehte khellama eima Ama
a dinga i kipieh siengthou khu
adeipen ahi. Lou suoh gamasa,
i sumlepaite,inei ilamte guoh
hilouin guolzawl na tamtah
toh hing phungvuo a damlou
natna leh gentheina saltanna
tuomtuomte akipat zalenna hing
petu leh daana, lungkhamna
chinteng ituoni a hing henem
a hamuontu Ama, Pasian ahi.
Pasian kungah halvam kithoina
sillat bangin na kila'n diei mah?
Mangpa'n a thu guolzawl ta hen!

NA HINKHUO MANDAN BANG CHIN NA ZANG EI..... ?

- Upa T. Nengkhanlian
T. Khajang Bible Church.

01. Tulai Khristiante i hinkhuo mandan ka ngaituo chieng in hagau
lam hinkhuo ah lunggim huoi hinkhuo khat um in ka ngaisun hi.
02. Tua mipen ei Pasian mi kichite hinkhuo in ka ngai sun hi. Bangzieh
ahiei ichi leh tulai ei Khristian hinkhuo man dan milim be mite toh
ki lamdanna aum sih hi.

03. Mi khat pou in Nopni, Dahni, Shini, Mani chieng in Hattuum pawlpi ten nopni, dahni a hing panpi ding chi kilometna toh Hattuum ah min kikhum chiet hi lei aki lawm hi.
04. Hinanleh zong i hinkhuo mandan Khristiante hinkhuo hidingin kituoh lou leh ki lawm lou in ka thei hi.
05. Pawl khat in Zune, pawlkhat in khamthei ne, pawlkhat numei, pasal thantatna suol a puo pawlkhat a zi ata umpi na pie mizi, mitaa va dei gaw, Nupawl khat apasal atate umna pi a mi pasalte va deigaw sese.
06. Tangval khenkhat Pasian in ama ding Nungah khat lemguot sahna pi a mi zi toh vaki ngai sese. Nungah khenkhat Pasian in ama ding Pasian in Tangval khat koisah na pi a mi pasal khat toh ka kingai sese. Tambang a i Khristian hinkhuo hun zanga i um chieng in i Khristian hinkhuo kise zaw hi.
07. Tuazieh in kingaituo pha vai. Khat leh khat kala ki muonmawna atam ziehin sum leh pai kilieu sahna bang atam hi.
08. Pastor khat hinapi Numei khat toh va suol zieh a Nohsuoh Upa khat hinapi numei toh khel zieh a noh suoh chibang i Khristian gam sung ah minthang mama hi.
09. Za zi-Na pasal midang jitoh lumkhom taleh na lawm, naguol, na innvengte, na hattuum sung na khuo na tui ah nanga dingin mai neo na, zum huoina, suoh ding a tuabang dinmun a na um khah leh Pasian zahtat louna hiding hi. Hing kihei inlen Pasian lam hing zuon kia in.
10. Jesun Nupa, Zi leh pasal kikhenna ana dou hi. Mathew 19:3-6. Tualeh ginumlouna, angkomna, Matt. 5:35 ah chi nanleh kikhen na pen laisiengthou in adei sih hi.
11. Mi tampiten tulai in kitena dei nah sang in, kikhenna a deizaw uhi. Ama uh ten kitenna ahun nei bangin ngaituo ua, Numei etlahna, tangval etlahna dingin Azi apasalte uh a hinkhuo uh nongkaisah bangin ngaisun uhi.
12. Tuaziehin a zite un a lawm ngaina ding uh dal hileh kilawm in ngaisun ua, Azite un zong Pasal angai dinguh a Pasalte un dal bang in ngaituo uhi.
13. Laisiengthou in ahing hil bangin Numei, Pasal kitena siengthou

tah in zang chiet lei hoi ding in ka ngaisun hi.

14. Numei Pasal force a kiten teitei ding in phut na umlou hi. Ahitah zong in khatvei Pasian min a kitenna inei zou chiengun kitenna pen chiemte in umta.
15. Tuazieh in Pasal in anu, apa taisan in azi akoi tinten ding hi. Ani un sa pumkhat ahita ding uhi. Gen. 2:24. Tami thu in anu, apa muda in avah sih ding china hilou in, Azi a it ding thu a genna ahi.
16. Numei, Pasal kitenna pen Suoh leh sal a kimatna hilou in Pasian sekholza ahi. Siengthou tah a nu leh pa kitenna, kipolna in Pasian deina banga anih tuoh ua lungsim nopna ahi.
17. Hagau lam damna hiding a, Pasian a ding a sienthoua, dihtatna nupa kal a sienthoua ahi ding hi.
18. Tulai hindan leh khosahna lam ah lamkai ginum itasam hi. I khotaang hinkhuo hoina ding in innsung a hing kipan ding ahi.
19. Zikhat neina pasal khat neina i Pasian daan toh akituoh hi.
20. Bangzieh e ichi leh numei pasal kal a thangtatna nei kibang Kitenna numei pasal kal a ki etlana tamte in imihing hinkhuo a tangpi in hing se sah a, i hinkhuo hing ninsah hi.
21. Tuaziehin Nupa kal leh innsung kepbitna ding in innsung Nu leh Pa mawpuoh ahi chi manghil sih vai, Amauh kala anuom ah zong, ahahsat ah zong lungsim kidontuo a, Hagau lam leh Nupa kal kepbit ding ahi Pasian in kikhenna ahua hi. Malaki 2:16.
22. Bang zieh a ei Khristian te khelna pan a potkhe ding idiei...? i chi chiengin, potkhe lou a na um leh zawlnei kahi a kichi kumpinu Ahab zi Jezebel nungzuite na bang ding hi. Kilahna 2:20.
23. Jawlnei Jezebel hing kipatna pen BC 919-896 hun lai a Isreal kumpipa Ahab zi a kipan ahi.
24. Tam mipa tungtang aki gelna ah Mangpa mitmu in ahoi lou gamtatna akipumpieh Ahab bang koima umlou hi. Azi Jezebel ki pumpieh zou zieh ahi I Kumpite 21:25.
25. Tami nu a (Huk) zieh a Thiatiria khuo a Hattuum suse tu min dinga vaw ahi.
26. Athu hil in kingaina, Sienglou a kingai ding leh milimbete kunga kithoina sillatte ne ding in zol hi. Kilahna 2:20.
27. Kingaina thanguoi a kipat kisiena ding hun Pasian in apie a, akisia

nuom tuon sih uhi. Kilahna 2:21.

28. Ngai in damlou lupna ah ama ka siel dinga, asilbol uh akisia sih uh leh gimthuohna hasapi a tuoh nu angkompihte ka um sah dinghi achi hi. Kilahna 2:22.
29. Numei pasal kala thangtatna leh zul zauna zieh a Pap thuohthe uh chiemtena dingin damlou lupna gimthuoh chin agen hi.
30. Hagau siengthou in kingaina, thanghuoi a kibolin ama tahsa tung sil a bol khiel hi achita (I Korinth 6:18).
31. Paul in Rome mite kungah lai ahahna ah a gitlou man uh toh kituoh gotna ama uh tungah a tung hi achi hi. Rome 1:24-27.
32. Tu hun sunga, tu khangtha hun sung a ium na leitung mama ah Numei Pasal thangtatna thanghuoiatah a kipolna leh angkomnate zieh in mi tampiten AIDS natna lau huoi vei in leitung azel suoh tahi.
33. Tuaziehin zawlnei kahi kichi nu khelna nin bawlnu Jezebel lampi taisan in.
34. Tam na mulkim huoi lauhuoi natnate i pumpel theina dingin lampi umsun Jezebel lampi hilou in a siengthou lampi kitenna (Marriage) leh zi khat mai chauh nei leh pasal khat chau nei khu ahi chi manghil sih vaui.
35. “Mi tengteng in kitenna zatat uhen” Lupna kitenna zong buosah in umsih hen. Kingaina, thanghuoina, Angkomna neite tung thu Pasian in vai ahawm ding hi.
36. Leitung pumpi a kitenna ah Numei leh Pasal kipolna adieh a zahtat huoi leh a siengthou ahi (I Korinth 7:1-5).
37. Tualeh kiteng ding sapsap chia Numei leh Pasal kimoh pol pen kitenna umlou pia kietlana leh kingaina toh khosa ahi uh.
38. Laisiengthou toh kituoh loupi a Numei-Pasal kipolna zong angkom hithou thou hi. Matt. 19:6-9.
39. Tami zong kingaina, thanghuoina a khosa a kibul ahi uh (I Korinth 5:1).
40. Khelna a hing pichin chiengin shina ahing suoh hi Jacob 1:15.
41. Migilou kumte suhtom ahi ding (Thupilte 10:27).

Thukhumsin: Zite, Pasalte aw thou unlen na tahsa suonlamte uh paikhie

un I zi- ipasal kal sung, inupa kal sung bawl hoi som chiet vaui. Mangpa Pasion in Ama deibang toh kilom igenkhah aum leh thupha hingpe taken! Ama deina bang toh kilomlou igenkhah aum leh hing ngaidam taken!

Lungdam ing.

ZPWF COLUMN

16th June to 17th July, 2015 Tunnu Limbel a sum leh silpieh pete

1. Nh. Rebecca Dubai, Tuibuang	5,300(June issue suohkhalou)
2. Upa. Nehkthang, Tuilaphai	200
3. Miss. Helhing, Semol	100
4. Upa Chinthong, Tongdam	500
5. Nu. Thangneivah, Lailamveng	500
6. Pi. Zamneiching, Muollum	
MDC ching zieh a kipahna silpieh	1,000
7. Upa Jamsianmung, Zomi-Colony	3,000
8. Nu Chiindeiniang Zomi-Colony	500
9. Miss Rosy Hatmuanching, Tuibuang	200
10. Pa H. Kapneithang, Central Church	3,100
11. Tv. Kaptulthang, Awnchinkap khuo	10,000
12. Mrs. Flora Hatnu, UK	91,000
13. Nu Vunggenmang, Saiboh	200
14. Nu. Ngaihoiching, V. Bethel	50
15. Upanu. Thiemnu, Central Church	100
16. Nu. Niangzalam, Central Church	100
17. ZPWF Tour Tuiningkuol District G/T	2,130
18. PWF, Lailamveng	1,000
19. Nu. Ngailian, Zoukhonuom	1,000
20. Nu. Donkhanniing, Manniang khuo	100
21. Upa. Khuplam, Lailamveng	500

2015 | August | Khristian Tangkou

22. Nu. Chinneu, Bijang	1,200
23. Nu. Tingzavah, Tuibuang	500
24. Upa. Lalkhokam, Sangaikot	500
25. Nu. Veineilam, Zomi-Colony	500
26. Nu. Lamneikim, Behiangjang	100
27. Pa. Kamgenpau. Lailamveng	500

TUIVAI DISTRICT (BEHIANGJANG) KUMKHAT IN

1. Nu Niangenngai, Behiangjang	₹	1,000
2. Rev. Khamminlian, Behiangjang	₹	500
3. Hangliankhup, Behiangjang	₹	200
4. S. Kamchinthang, Behiangjang	₹	200
5. Pa Thangjamang, Behiangjang	₹	200
6. Tualkhanpau, Behiang (H)	₹	200
7. T. Hauchinlian, Behiangjang	₹	200
8. Pa Suanzalam, Behiangjang	₹	200
9. Upa S. Vungkhanpau, Behiangjang	₹	200
10. P. Liankhanhang, Behiangjang	₹	150
11. Chinlamthang, Hianhtam (V)	₹	100
12. Upa Zamkhothang, Behiangjang	₹	100
14. Khamdouthang, Behiang	₹	100
15. Henlian, Behiang	₹	100
16. Kaplamching, Behiang	₹	100
17. P. Muanlal, Behiang (V)	₹	100
18. Ngaihvung, Behiang	₹	100
19. Chinghaunuam, Behiang	₹	50
20. Chingzamuan, Behiang	₹	50
21. Nemngai, Behiang	₹	50

HACHIN IN

1. Upa Mangchinkhup, Tonjang	₹	50
------------------------------	---	----

NITENG IN

- | | | |
|-----------------------------------|---|----|
| 1. Upanu Ngaikhanman, Behiangjang | ₹ | 10 |
|-----------------------------------|---|----|

ZPWF TOUR SINGNGAT DISTRICT (TANGPIJOL) A TUNNU LIIMBEL
ADIA GINNA THUCHIAM TU LEH TU AHING PETE(10th May, 2015)

- | | | |
|-----------------------------------|---|-----|
| 1. Upa Ginkhodai, Tangpijol | ₹ | 100 |
| 2. Nu Lianngainiang, Tangpijol | ₹ | 100 |
| 3. Nu Mankhanniang ,Tangpijol | ₹ | 100 |
| 4. Pi Luanzaman,Tangpijol | ₹ | 100 |
| 5. Nu Manhoih, Tangpijol | ₹ | 100 |
| 6. Upa Kaikhothang, Tangpijol | ₹ | 10 |
| 7. Nu Niangou, Tangpijol | ₹ | 20 |
| 8. Nu Genvung,Tangpijol | ₹ | 30 |
| 9. Nouhauching,Tangpijol | ₹ | 30 |
| 10. Upanu Chiinzaniang, Tangpijol | ₹ | 100 |
| 11. Chingngainuam,Tangpijol | ₹ | 20 |
| 12. Deisiamching, Tangpijol | ₹ | 20 |
| 13. Kamkhanching, Singngat | ₹ | 50 |
| 14. Ngaipi, Tangpijol | ₹ | 50 |
| 15. Gouchiin, Tangpijol | ₹ | 20 |
| 16. Luankhanching, Tangpijol | ₹ | 20 |
| 17. Chingneikim, Tangpijol | ₹ | 20 |
| 18. Manmuanching, Tangpijol | ₹ | 20 |
| 19. Chinghoikim, Tangpijol | ₹ | 50 |
| 20. Haulianmang, Tangpijol | ₹ | 30 |

KUMKHAT IN

- | | | |
|--------------------------------|---|-------|
| 1. Upa Suankhanmang, Tangpijol | ₹ | 1,000 |
| 2. Sangngaihlan, Tangpijol | ₹ | 700 |
| 3. Nu Chinglunniang, Tangpijol | ₹ | 200 |
| 4. Chiinsianching, Tangpijol | ₹ | 200 |
| 5. Mangminthag, Tangpijol | ₹ | 100 |
| 6. Upa Paukhankap, Tangpijol | ₹ | 100 |

2015 | August | Khristian Tangkou

7. Chinghauvung, Tangpijol	₹	100
8. Nh. Chinglunniang, Tangpijol	₹	100
9. Niangsomching, Tangpijol	₹	100
10. Upa Chinsuanhang, Tangpijol	₹	100
11. Nu Siandeiching, Tangpijol	₹	100
12. Thangkhanmang, Tangpijol	₹	50
13. Suohkhokai, Tangpijol	₹	50
14. Nh. Ningngaihniang, Tangpijol	₹	50
15. Chiinnieng, Tangpijol	₹	50
16. Nh. Chinghoikim, Tangpijol	₹	50
17. Mangkhanmuan, Tangpijol	₹	50
18. Nu Suanching, Tangpijol	₹	50
19. Thongngaiching, Tangpijol	₹	50
20. Nh Chiinnuamching, Tangpijol	₹	30

1 -16 JULY, 2015 SUNG A TUNNU LIMBEL ADIA SILPIEH HING PETE :

A). ANNTANG HING PETE :

1. Tangpijol PWF apat anntang	kg	70
2. Hiangtam (Buolkot) PWF apat anntang	kg	58
3. Hiangtamjang PWF apat anntang	kg	36
4. Manniang khuo PWF apat anntang	kg	34 1/2

A). MIMAL A SILPIEH HING PETE :

1. Thangsiianlal Nu of Teisaljang apat Begap lom-5, Saap Malta 1/2 kg leh Annkamthu
2. Nu Mansuonching, Tangpijol apat pasi pava ni (1/2 kg).
3. Nu Luankhanching, Tangpijol apat pasi gaw pava-1.
4. Nu Ngaiching, Hiangtamjang apat Bete lom-3, Begap lom-3.
5. Nu Chiindeiniang, Thingkangphai apat Haaimin hunkhop tah ahingpie uhi.

Mangpa'n amaute atam zaw sem in guolzawl taken.

PATRON MEMBER-TE

1. Upa Gouzamang	2. Pu Hav. Khamchinkhup	3. Pu Khamzalam	4. Pu Chinzasuan
5. Upa Liansuanpau	6. Pu Khamchinthang	7. Pu S.Dalthang	8. Upa Kapkhanthang
9. Upa Langginmang	10. Upa S. Nangkhanlal	11. Pu S. Lamkhotang	12. Upa Dr. M. Lachinkhai
13. Upa Khamchinjang	14. (L) Upa D.K.Manlun	15. Upa Suankhanmang	16. (L) Upa Khupgou
17. Upa Chinkham	18. Upa Ngulchinkham	19. (L) Rev. Retd. V.Vungzalian	20. Rev. Retd. Kamkhosoi
21. Rev. Tualzachin	22. Rev.(Rtd.) H. Nengzatun	23. Rev. Awnkhanthup	24. Rev. Hangpi Manlun
25. Pu Tuanzapau	26. (L) Rev. Ginchinjam	27. (L) Rev. Khamzasuan	28. Upa T. Lamkhotawng
29. Upa Khaichinmang	30. Rev. Chinzathang	31. Pu Khupkhanmang	32. Pu Khaidohlian
33. Hav. Khamzahang	34. Pi Vungzanuam	35. Pu T. Gouzadou	36. Pu Liensuanokap
37. Pi Zelkhochiin	38. Pi Hatkhanvung	39. (L) Pi Ngaihoiching	40. Pi Mankhannieng
41. Pu Goukhanmang	42. Pi Chingzalam	43. Pu S. Thianzakhai	44. Pi Kamkhanching
45. Pu Haukhanpau	46. Pu Tuallianmang	47. (L) Pu Dongkap	48. (L) Pi Chingkhanmang
49. Pi Donkhonian	50. Upa Henzakhup	51. (L) Pu Saichinpau	52. Pu Goumang
53. (L) Upa Khamkhanhang	54. Shie Laangkhanlal	55. Pu Khamkhanlun	56. Upa L. Tualkhanpau
57. Upa Jamsianmung	58. Upa Ginzadong	59. Pu Kaizathang	60. Pi Goizanuom
61. Pi Thangneivah	62. Pu Khamzathang	63. Pi Donchin	64. Upa Liankhanmang
65. Pu Hauchinlun	66. Pu T. S. Lal	67. Pi Goichiin	68. Pu T. Khupchinthang
69. Upa T. Kaizalam	70. Pu Paul Henkholal	71. (L) Pu Soikham	72. Rev. P.C. Manga
73. Rev. Khamchinkhai	74. Rev. Jamlianpau	75. Rev. Chinzapau	76. Rev. Retd. Kamkhoxam
77. (L) Upa Chinpu	78. Pu Zamkhanthang	79. Pu Chinglen	80. Miss Chinhaunieng
81. Upa P. K. Soia	82. Pu Goukhai	83. Pi Niangkhanmang	84. Evan. Retd. G.L. Joshya
85. Pi S. Chingkhanmang	86. (L) Pu Vumchinkhup	87. Upa Khaihenthang	88. Upa T. C. Pau
89. Upa Nengchinkap	90. (L) Upa Jamkhongam	91. Upa HT Manga	92. Mrs. Vahkolhing
93. Pu Hauliankap	94. Pi Chinnu	95. Pu T. Kuppa	96. (L)Upa T. Gougin
97. Pu Ginsuanhau	98. Pu L. Langminthang	99. Rev. David K.Samte	100.Upa T.S.K. Samte
101. Upa S.K. Khama	102. Pu Jamkhopao	103. Pu Thathang Taithul	104. Pu Kamkhankap
105. Bhim Prasad	106. Rev. M. Kapsuanthang	107. Nu Chingneikim	108. Rev. Khupkhansuan
109. Pi Mannuamching	110. Rev. Kaimuanlal	111. Upa Nengkhanlian	112. Nh. Deborah Zou
113. Pu Kamgenpau	114. Rev. Mangsuanthang	115. Pu Lamchinhou	116. Upa Pauchinlel
117. Kimneihei	118. Nh. Niangsuanuam	119. Nu Ngaihanvung	120. P. Sanjiv Zou
121. Upa M. Kaichinkham			

LIFE MEMBER-TE

01. (L) Upa T. Khupkhenpau	02. (L) Pu M. Ginzahau	03. Pu Selzapau
04. Pu L.C. Pautungnung	05. (L) Pi Khamkhannieng	06. Pi Ngainuom
07. Pu Chinsuanthang	08. Pu Shanti Kumar	09. Pu Kamkhohau
10. (L) Pu Khamkhohau	11. Upa Khamzathang	12. Upa Chinkhanthang
13. Pu Tongzathang	14. Pi Chiinneilam	15. Upa Kulthang



Undelivered

Please return to:

The Editor

KRISTIAN TANGKOU
ZPCS Office, Zomi Colony
Churachandpur - 795 128
P.O. Box - 48, Manipur, India
e-mail: zpcs@rediffmail.com/zousynod05@gmail.com

7a.